

Mahasiswa autisme teruja temui Rosmah

KUALA LUMPUR: Sambutan Tahun Baru Cina kali ini memberi makna tersendiri kepada See Dunsheng Brayn, 24, seorang mahasiswa autisme di Universiti Putra Malaysia (UPM) apabila pertama kali bersua muka dengan isteri Perdana Menteri, Datin Seri Rosmah Mansor.

Beliau yang juga individu autisme pertama diterima memasuki universiti dalam negara ini berharap kemeriahan setiap perayaan di Malaysia dapat diraikan sebegini tanpa melupakan golongan susah.

“Saya berasa amat teruja dan bertuah dapat bersama rakan lain merayakan Tahun Baru Cina dengan isteri Perdana Menteri, selain dapat bertemu isteri bekas Perdana Menteri, Tun Dr Siti Hasmah Mohd Ali,” katanya pada jamuan tengah hari sambutan Tahun Baru Cina anjuran Yayasan Bakti dan YTL Corporation Bhd, di sini, semalam.

Hadir sama, isteri Timbalan Perdana Menteri, Puan Sri Noorainee Abdul Rahman dan Pengarah Eksekutif YTL Corporation Bhd, Datuk Yeoh Soo Min.

Majlis makan tengah hari itu di-



ROSMAH menyampaikan ang pau kepada warga emas pada majlis jamuan tengah hari anjuran Yayasan Bakti dan YTL. Turut kelihatan, Noorainee (berdiri kanan).

adakan bagi meraikan Tahun Baru Cina bersama lebih 500 warga tua, orang kurang upaya (OKU) dan anak yatim.

Rosmah turut meluangkan masa menyampaikan sumbangan RM5,000 diberikan Yayasan Bakti

kepada 18 persatuan kebajikan serta tiga universiti serta ang pau kepada semua tetamu istimewa yang hadir.

Bagi Hasnol Amri Abdullah, 26, ini adalah kali pertama beliau menghadiri majlis Tahun Baru Ci-

na dan berasa gembira dapat meraiikannya dengan rakan senasib.

“Saya gembira dapat berjumpa rakan dari persatuan kebajikan lain dan berharap Yayasan Bakti tidak melupakan kami menghadiri majlis sebegini,” katanya.